



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Fasti Mariani**

**Brunner, Andreas  
Pfeffer, Wilhelm**

**Antverpiæ, [1659 erschienen] 1660**

S. Martinvs Ep. 11. Novembris.

**urn:nbn:de:hbz:466:1-42032**

lancebras. Hic ad templi rudera castissima Sacerdos preces cælo facere, corpusculum herbis, animam cæli deliciis pascere. Tandem cum annos vixisset v. supra xxx, & veste jam defluente foliis pudorem tegeter, venatori visa est, pro monstro utique habenda, si vox & virtus non prodidissent. Textit tunc suis vestibus hic, & anno vertente cibo divino recreavit. Sed cum à venatione nudum ad illam videret, exanimem reperit, & de tam nobilibus exuviis manum sibi dexteram abstulit. Verum cum non nisi restitutâ hâc solvere è portu potuisset, narraissetque miraculum sociis, accurrunt hi venerabundi, sed nihil quidquam præter virtutis vestigia invenerunt. Dubitarem à quibus ablatum corpus foret castissimum, nisi tumulari virginitatem ab Angelis Catharina doceret. *Ex Metaph.*

*Per humilitatis custodiam servanda est munditia castitatis: si enim spiritus pie sub Deo premitur, caro illicite super spiritum non levatur: nam si auctorem suum superbiendo contemnit, jure à subjecta carne prælium suscipit. S. Greg. l. 26. Mor. c. 13.*

S. MARTINVS EP. 11. Novembris.

Existimaverat MARTINVS Neophytus etiamnum, mediâ chlamyde suâ medium pauperem utcumque se texisse; sed insequenti nocte totum eâ se vestisse Christam vidit. Pont. Turo-nensis Divorum aspectu atq; adeo familiaritate, cæli præsertim Reginae, inter Theclæ & Agnetis comitatum, jucundissimè perfruebatur. Bonorum Angelorum manu palam adjutus, malorum fana & simulacra subruit. Quanti Sacerdotii majestatem faceret, tunc ostendit, cum eam Imperatoris

A 1 ante-

antehabuit, primaque in epulo poculum prae-  
bibens non Imp. Maximo, sed Sacerdoti suo por-  
rexit. Quin ipsam Imperatricem famulam ad  
mensam habuit, & tum haec se basilicè vixisse pu-  
tauit, cum micis, quas reliquas fecit MARTINVS,  
vesci potuit. Orci praestigiatorem, qui Christum  
ementitus, caetera habitu regio illi se obtulit, ita  
delusum dimisit, ut diceret, alium nullum Chri-  
stum se nosse, praeter crucifixum. Venienti ad se  
cum Imp. Valentinianus assurgere negligeret, fa-  
cere hoc assurgens è sede flamma coegit. Extre-  
mum aeger in fugam iterum daemone malum  
egit, uti lubens moriturus, ita ad majores labores,  
si Numini placeret, porro victurus. Sed placuit  
huic MARTINVM inter beatarum mentium plau-  
sus cantusque ad se evocare. Conditionis tamen  
suae memor, non nisi cineri incubans mori voluit.  
At ex hoc cinere suus caelo Phoenix prodit. *Ex  
Sulp.*

*Ecce Redemptori minimè sufficit, quod in extre-  
mo judicio dicturum se perhibuit. Quod fecisti uni  
de fratribus his meis minimis, mihi fecisti; nisi  
ante judicium demonstraret, qua quisque nunc bo-  
na opera indigentibus exhibet, ei haec specialiter im-  
pendi, cuius haec amore exhibuerit. S. Greg. hom.  
39.*

S. CVNIBERTVS EP. 12. Novembris.

Vtrumque CVNIBERTVS, & qui adolescens  
rapere in se oculos possit. & quid amare  
oculi in adolescente debeant, docebit. Nam si è  
pulchro corpore gratior venit virtus, gratissima  
è CVNIBERTO venerit necesse est, adolescentulo,  
in quo & forma rara, & indoles elegans, & mo-  
res suavissimi certamen de palmâ videntur susce-  
pisse.